

UCAPAN YAB PERDANA MENTERI,
DATO HUSSEIN ONN, DI MAJLIS
MERASMIKAN MASJID SIMPANG
RENGGAM, KLUANG, JOHOR, PADA
22hb jun, 1978 JAM 3.00 PETANG.

Saya bersyukur kehadiran Allah Subhanahu Wata'ala kerana dengan limpah rahmat dan izinNYA dapat saya hadir di majlis yang mulia ini dan seterusnya merasmikan Masjid Simpang Renggam petang ini. Saya mengucapkan terima kasih serta setinggi-tinggi penghargaan kepada ahli Jawatankuasa Masjid ini di atas penghormatan yang diberikan kepada saya di majlis ini.

2. Majlis petang ini amatlah besar maknanya kepada saya kerana sehari selepas hari penamaan calun, dapat pula saya menemui penduduk-penduduk di kawasan ini. Saya sukalah mengambil kesempatan ini melahirkan perasaan simpati saya kepada lapan
...2/-

2.

keluarga di Simpang Renggam ini yang ditimpa kemalangan ribut sepuluh hari yang lalu. Saya telahpun meminta UMNO Bahagian Seri Gading supaya memberi bantuan kepada keluarga yang malang dan saya diberitahu bahawa bantuan tersebut telahpun disampaikan kepada mereka minggu lalu. Saya telah juga meminta supaya Jabatan Kebajikan Am dapat juga memberi bantuannya bagi meringankan beban keluarga tersebut.

3. Sebagaimana kita sedia maklum bahawa negara kita ini kaya dengan masjid dan surau. Kerajaan Persekutuan dan Kerajaan Negeri Johor telah mengeluarkan perbelanjaan beribu-beribu ringgit

... 3/-

3.

tiap-tiap tahun membaiki masjid-masjid dan surau-surau lama di samping mendirikan masjid-masjid dan surau-surau baru. Dengan adanya masjid yang begitu banyak di tanahair kita ini membuktikan bahawa Kerajaan yang memerintah iaitu Kerajaan Barisan Nasional sentiasa mengambil berat terhadap keperluan beribadat umat Islam. Sesungguhnya Kerajaan sentiasa menjalankan segala usaha bagi meninggikan lagi syiar Islam sejajar dengan kedudukan sebagai ugama rasmi negara kita.

4. Kerajaan juga sentiasa berusaha bagi meningkatkan lagi taraf ekonomi umat Islam ditanahair

...4/-

kita supaya mereka dapat hidup dengan lebih makmur lagi. Berbagai rancangan dilaksanakan bagi mewujudkan keadaan hidup yang lebih sempurna di kalangan umat Islam. Mereka diberi peluang melibatkan diri dalam kegiatan-kegiatan ekonomi negara melalui berbagai saluran. Umat Islam seharusnya berpuas hati dengan apa yang telah mereka perolehi. Mereka hendaklah berusaha dengan lebih bersungguh-sungguh lagi supaya dapat menandingi kemajuan yang dicapai oleh rakyat lain-lain kaum di negara ini.

5. Kerajaan telahpun melakukan apa jua dalam bidang kuasanya bagi mengurang dan seterusnya menghapuskan kemiskinan di kalangan rakyat berbilang kaum.

5.

Pelaksanaan Dasar Ekonomi Baru yang menjadi landas kepada Rancangan Malaysia Ketiga akan ditingkat dan dipergiatkan lagi supaya ia benar-benar dapat mendatangkan kesan yang lebih meluas.

6. Kerajaan Barisan Nasional berazam membawa kemajuan yang lebih giat lagi dan akan berusaha dengan lebih bersungguh-sungguh dan lebih pesat lagi ke arah keadilan, sosial serta ke arah kehidupan yang lebih baik lagi semua rakyat dan penduduk.

Inilah hasrat kami dan kami harap rakyat jelata dapat memberikan sepenuh kepercayaan dan kerjasama mereka bagi membolehkan Barisan Nasional menjayakan cita-cita ini.

... 6/-

6.

7. Pilihanraya pada 8hb Julai ini amatlah penting bagi memastikan supaya hasrat dan cita-cita suci Barisan Nasional ini dapat dilaksanakan. Barisan Nasional bukan hanya berkehendakkan mandat baru dari rakyat tetapi kami memerlukan mandat yang menyeluruh yang boleh memberi tenaga tambahan kepada keupayaan dan kemampuan kami di masa-masa akan datang.

8. Sebagaimana kita sedia maklum Barisan Nasional yang merupakan warisan Perikatan, adalah perkembangan gabungan parti politik yang diwujudkan dalam tahun 1957 dengan dianggotai oleh UMNO, MCA dan MIC.

... 7/-

7.

Gabungan ini sekarang mempunyai sepuluh parti anggota iaitu lima dari Semenanjung - UMNO, MCA, MIC, Gerakan dan PPP, tiga dari Sarawak iaitu parti Pesaka Bumiputra Bersatu, SuPP dan SNAP manakala USNO dan BERJAYA dari Sabah.

9. Perkongsian dalam Barisan Nasional ini telah mewujudkan kestabilan politik di seluruh tanahair. Barisan Nasional mempunyai pengalaman yang luas dalam semua bidang kerana kami telah diberi kuasa oleh rakyat mentadbirkan negara sejak Kemerdekaan. Kami telah berjaya memenuhi keperluan semua peringkat dan golongan rakyat serta berjaya

8.

mengatasi sebarang cabaran dan kesulitan. Kami sentiasa dapat menyesuaikan segala tindakan dan pelaksanaan dasar dengan penuh adil dan saksama dengan memberi kepuasan hati kepada semua peringkat dan golongan rakyat.

10. Kerajaan Barisan Nasional telah berjaya meringankan beban rakyat terutama yang miskin dan membantu rakyat dalam sebarang kesulitan mereka. Barisan Nasional telah berjaya mentadbirkan negara dan berjaya mewujudkan kestabilan politik, ekonomi dan keselamatan dalam sebarang keadaan

...9/-

9.

dan suasana - menghadapi ancaman pengganas kominis, ancaman perselisihan persefahaman kaum, banjir, inflasi dan lain-lain lagi.

11. Di samping dapat mewujudkan kestabilan politik tanahair, Barisan Nasional telah dapat mengukuhkan lagi perpaduan negara dan mewujudkan kerjasama dan persefahaman yang lebih erat di kalangan rakyat berbilang kaum. Tiada sesiapaupun yang boleh menafikan kemajuan dan kejayaan yang telah kita perolehi, kemakmuran dan kebahagiaan yang telah dinikmati oleh rakyat jelata, dan keamanan dan ketenteraman yang telah diperolehi oleh negara kita.

... 10/-

10.

12. Empat tahun lalu saya telah menang tanpa bertanding di kawasan Seri Gading ini. Demikian juga dengan Dato' Syed Zain. Tetapi kali ini PAS NEGERI Johor telah meletakkan calon-calonnya bertanding dalam kebanyakan kawasan Parlimen dan Dewan Undangan Negeri. Dalam kawasan Seri Gading saya ditentang oleh seorang ahli PAS yang datang dari Segamat. Bagi kawasan Simpang Renggam, Dato' Syed Zain ditentang oleh Tok Mudim dari PAS.

13. Sebenarnya kami tidaklah berasa bimbang kerana kami memang menjangkakan penentangan

11.

dan kami sentiasa bersiap sedia menghadapinya.
Bertambah pula pengundi-pengundi kawasan ini terus mempunyai kepercayaan dengan Barisan Nasional. Pekerja-pekerja Barisan Nasional di kawasan Seri Gading telahpun bersiap sedia menjalankan kempen dan ceramah-ceramah bagi memastikan kemenangan Barisan Nasional. Walau bagaimanapun kami penuh yakin pengundi-pengundi di kawasan ini akan menggunakan undi mereka dengan penuh kebijaksanaan. Kami tidak pernah ragukan sokongan rakyat di sini khususnya pengundi-pengundi.

...12/-

12.

14. Saya difahamkan PAS Negeri Johor juga akan melancarkan manifestonya sendiri bagi mempengaruhi pengundi-pengundi di negeri ini. Saya tidak percaya rakyat Negeri Johor boleh sendang dipengaruhi kerana mereka sudah matang dengan politik. Sejak pilihanraya tahun 1955 lagi parti-parti lawan cuba menembusi pertahanan parti kita tetapi tidak berjaya melainkan di kawasan Gunong Lambok di Kluang. Itupun oleh kerana sokongan kepada sikap peribadi calon parti lawan tersebut dan bukan kerana nama partinya.

...13/-

13.

15. Sebagaimana kita sedia maklum Barisan Nasional meletakkan calun-calunnya di semua kawasan. Kesemuanya bertanding di atas nama Barisan Nasional serta menggunakan simbol dan manifesto yang sama iaitu simbol dan manifesto Barisan Nasional.

16. Saya akan memperkenalkan manifesto Barisan Nasional pada 24hb. Jun ini. Sungguhpun Barisan Nasional adalah satu-satu parti yang mempunyai kemampuan, kebolehan dan keupayaan, untuk melaksana dan menunaikan segala hasrat dan cita-citanya, kami tidak akan mengemukakan janji-janji yang mustahil dapat dilaksanakan dalam masyarakat

14.

Malaysia yang berbilang kaum. Percayalah bahawa hanyalah Barisan Nasional sahaja yang boleh memastikan masa depan negara yang lebih terjamin dan hanyalah Barisan Nasional yang boleh memastikan bahawa rakyat jelata dapat terus hidup dalam aman, makmur dan bahagia.

17. Saya menyeru setiap rakyat supaya memiliki naskah manifesto Barisan Nasional. Kami akan terbitkan manifesto ini dalam semua bahasa - Bahasa Malaysia: Jawi dan Rumi, Bahasa China dan Bahasa Tamil dan Bahasa Inggeris. Saya berkehendakkan setiap rakyat khusus pengundi-pengundi benar-benar memahami hasrat dan azam

15.

Barisan Nasional untuk membawa kemakmuran yang lebih meningkat bagi rakyat serta kestabilan keselamatan, politik dan ekonomi bagi negara seluruhnya.

18. Saya yakin rakyat jelata akan memberikan sekali lagi mandat mereka kepada Barisan Nasional supaya dapatlah kami melaksanakan segala rancangan pembangunan yang telah ditetapkan dan segala dasar yang telah diluluskan oleh Kerajaan.

19. Akhirnya saya sekali lagi mengucapkan terima kasih kepada semua pihak yang telah menjayakan majlis petang ini.

...16/-

16.

20. Dengan ini saya dengan nama Allah yang amat pemurah lagi amat mengasihani mengisytiharkan Masjid Simpang Renggam ini dibuka dengan rasminya.

Terimakasih.



No. Siri 371
No. Penerimaan 121/78